

皇

明

史

概

皇明大政記卷之六

臣朱國禎謹輯

洪武二十六年癸酉正月丁未朔冊諸妃生子者免

天下官

一日耆民

來朝

置四川越雋衛

勅周晉二王

發屬衛官軍築城屯田於塞北都督僉事徐司馬

卒癸丑定雲南烏撒中鹽則例乙卯起致仕兵

部尚書唐鐸兼太子賓客丁巳置廣寧七衛癸

亥肅王模遼王植慶王櫛寧王權之國

惟寧王到國餘以宮殿未

成缺餉留近地

置建昌白里二鹽課司

以大成樂器頒

天下府學

擒會同縣山賊王漢等誅之

重定諸

王公主婚禮 二月丙子朔馮傳常三公悉聽晉王

節制 長興侯耿炳文還京三月復往陝西 置宣

大東西十七衛 頒西番金銅信符 乙酉誅涼公

藍玉及鶴慶侯張翼普定侯陳桓景川侯曹震尚書

詹徽等 朝鮮進馬九千八百餘匹酬以紵絲綿布

乙未遼東開原衛軍士馬名廣上五事采行官之

書民人能詩既爲軍士讀書不輟上五事一濬陽廣寧義州宜復舊學一工商技藝之家不空任政一兵老無丁者除其籍一狹鄉之民遷於寬鄉屯種一取法唐府兵空居重取輕 上曰所言可採但工商技藝之子不預士紳則與有秋 魏公徐輝祖諭 文無類之意梓矣授奉和縣丞

皇送所獲虜酋至京并出儼勒兵之法 軺轡侯朱

壽卒 丙申爪哇國來貢 國子生魏照以罪罰爲

吏上言願改過秋試許之 辛丑給事中梁煥署吏

部事 西番僧貢龍馬 三月三日戊申緬國來貢

定救日禮儀 辛亥代王率護衛出塞聽晉王節

制 丙辰宋穎二公往北平受 文皇節制 戊午

天象示變論 文皇晉王及諸將巡邏塞外侯來歲

築城 會寧侯張溫等坐藍黨誅 癸亥都督楊春

平蠻召還京 庚午諸司職掌成刊布中外 徵唐六典之製

宴雲南左布政張統 考肅宗初命吏部免考宴費復任 晉王請

于下水築城論止之 頒稽制錄于諸功臣 徵漢唐未功臣

封爵食邑多寡及
名號虛實等第

四月乙亥朔 勅公宇城隍惟

以軍士供役不許勞民 已卯福建鎮海衛千戶黎

旻巡海遇賊先遁陷百戶韓觀等四十人伏誅 壬

午瀋陽侯察罕坐藍黨誅 詔郡縣歲餓者先發賑

後奏 孝節七人 誅叛虜阿魯帖木兒 陞滑縣

訓導宋復祖爲司業

祭酒請之子

安南廢立絕其朝貢

齊東知縣鄭旻復任

旻坐事繫獄士民來訴宥之至是考滿來朝再留宴勞還

職

五月乙巳朔 定庶子俟長擇賢者襲職 賜

陝西民弟代兄戍者道里費并賞監送之人

兄坐事戌妻病

留中途其弟夫婦請代往監送者聽之御史責弟不當代兄并罪監送者其人訴于朝 上口弟之代兄

義也監送者能聽其代是
亦有仁心矣命皆賞之

凡功臣不建享堂喪葬

自備戰死者官給 乙丑道士請給度牒審皆逃民

發錦衣習匠 定學官考課惟以中式多寡爲差

戊辰越舊侯俞通淵有罪削爵 六月乙亥朔復凌

漢左僉都御史 孝節九人 免郭英合輸糧稅仍

撥賜佃戶 朝鮮招誘女直戒諭之 申明錦衣鞫

刑之禁逮者俱屬法司 陞春坊大學士董倫爲河

南叅議趙州吏目諸葛伯衡爲陝西叅議

伯衡南潯人洪武初

舉秀才三爲軍局大使十餘年 戊戌陞戶工侍郎

郁新嚴震直俱本部尚書 開十筮禁 辛丑申嚴

公侯制度僭侈之禁 壬寅重定朝賀傳制等儀

召諸王入朝 置鹽井衛 七月甲辰朔日食 丙

午罷各省寶源局在京仍舊 戊申選秀才張宗璿

等隨東宮官入直文華殿 請早進說民間利害田里

忠信文學諸 辛亥勅遼東嚴備朝鮮 定武職隨

從人數 戊辰廣東樂昌盜起 民間一產三男者

行人賜鈔十錠米五石其子分養月給米五斗三年

止著為令 辛未遣官祭廬山周顥仙御製文立碑

普定土人作亂討平之 監副李德秀上言天文

二以二統皆難憑只以 捕斬妖賊王天錫 庚辰

七致交會無差者為是

令除授官員卽與實授免試職儒學訓導皆與冠帶

附選帖黃 開膳脂河

通兩浙
挽清

赦胡藍餘黨

乙

未復興國州鐵冶 庚子太陰與太白晝見 九月

癸卯朔復以劉三吾爲學士 己酉道州蠻作亂討

平之 丙辰宥尚書嚴震直弟侄罪 丁巳勅襄河

南僉事王平賜賞賚

都府司所
遷欽州

舉東宮官召浦江

鄭氏王氏子弟請闕以鄭濟爲左庶子王勲右庶子

會稽知縣鄒魯陞大理寺丞

以魏
法

賜京師寺田

朝鮮謝罪入貢 十月四日丙子擢兵部吏崔士

先爲戶部主事 定諸王來朝及還國祭祀禮 丙

戊有朝鮮海寇罪 已丑革中都國子監并入國學

壬辰監生二百四十一人除教諭等官 丙寅監

生劉正等為左布政等官凡六十餘人 更給天下

工匠輪班勘合 將較有罪削爵聽征者悉復官

改建翰林院皇城東南詹事府次之 十一月壬寅

朔 雲貴蠻悉平 建鑾駕庫 修漢中棧道 討

東筦亂民 宥霑化縣典史杜讓復職從士民之請 詔

朝鮮人止隔河互市不許入境 戊午太陰犯鬼宿

已未叛寇何廸伏誅 廸真之弟也真次子安以罪死廸自是作亂及是兵敗正

法

十二月壬申朔降尚書嚴震直為御史 擢秦

州訓導門克新紹興教授王俊華爲左右贊善大夫

克新華昌泰州人爲人寬厚和易仕至禮部尚書其立也上甚嗟悼遣官祭之命有司護喪歸葬時天

一學官入覲二人應對稱旨上曰克新敷奏直寬俊華文詞優美故分左右重直言也永鑑

錄成賜諸王

韓歷代宗室諸王惡逆者

世臣總錄成頒行羣臣

人臣善惡可勸懲者

癸酉

皇第二十六子楠生

罷越嶲

商人中鹽

禁軍民命名不得用三公以下官稱

洪武二十七年甲戌正月六日乙巳命都察院戒飭天

下按察司官

丁未復置平陽府二錢治

蠻寇建

昌敗之

甲寅禁川番香番貨

歸併天下僧寺道

觀信公湯和有疾召入朝尋遣還

曹公李景隆

佩平羌將軍印鎮甘肅 丙寅置各布政按察司各

府照磨檢校官

不署文案
不許差違

選江以北良家女備諸

皇孫婚

戊辰道州蠻作亂討平之

建漢壽亭侯

廟于雞鳴山之陽通稱十廟

二月辛未朔重定優

給例

遣將巡視沿海城池練兵備倭

停朝鮮給

曆

罷在外文武諸司公宴

丁亥增遞運驛夫糧

額

戶部議加一倍
上加五倍

辛卯省繁峙縣知縣劉英復官

從士民
之請

勅都督府再詰朝鮮

免各處荒蕪田租

三月庚子朔策貢士彭泰等一百人賜張信景清

戴德葵及第出身有差

癸卯陞河南僉事王平左

僉都御史

平先受賞至是秩滿入京有是命

魏公徐輝祖六安侯

吳傑訓練沿海軍士

起唐鐸太子少保

城東勝

州

丁未定武官襲職者年二十以例比試

不能者給俸三年

年再試又不能請成

定行人司品秩皆用進士

命天下種

桑棗

甲寅韓王松藩王模年幼令省秦晉燕周齊

五王

鎮安府土官輸糧每石折銀一兩

申禁胡

俗嫁娶

收藏軍器

四月庚子朔

戊寅罷司牧

局

下乾州立唐渾瑊祠

更定番國朝貢儀

辛

巳旌節婦六人

內俞氏之子體原為禮部員外郎坐法死宜傳旌表

上謂母賢不可以

旌之

壬午嚴越訴之禁

其民間高年老人得理解之祠訟

丙

戊徵儒臣定正宋儒蔡氏書傳 巳丑宥曲阜知縣

孔希文罪

貢舉非人 聖人之後勿問 上以

五月三日辛丑免孝

子郝安童軍役 乙丑旌節婦三人 左都督楊文

鎮太倉 甲寅安南由廣東入貢却之 癸亥少詹

事任亨泰爲禮部尚書 諸司移文當稱 聖旨者

悉以欽字代 六月巳巳朔 戊寅興遼東各衛屯

田 全州及灌陽徭民亂討破之 七月戊戌朔

更定親王婚禮 甲寅旌孝子李德成

擢光祿署丞 陞尚寶司丞

八月六安侯吳傑廣東備倭 乙亥監生及人才

分詣天下郡縣督修水利 階文千戶張者叛左都

督審正計之 鈔法沮壞禁用銅錢 庚寅新建京

師酒樓成

樓凡十在江東諸門之外又增五樓賜文武百官鈔宴于醉仙樓

丙申

赦禮部主事蓋霖

其父上書願以次子從軍求贖特宥之

九月戊戌

朔宥浙江右布政楊允叅政羅鍾李文華湖州府知

府王楨

以事被逮上以事非貪墨宥之復官歸安縣丞高彬亦連坐書民上其公廉即釋

定旌表例

日照縣民江信母病瘠得愈殺三歲兒以祭上聞怒其減倫杖一百滿戌

海南仍命定議旌表孝行例以服隊沐者不與

丙午撒馬罕兒朝貢 置

四川行都司于建昌衛 巳酉誅衛卒誣告樂清縣

民者 定正蔡氏書傳成

初召博士致仕錢宰等論以定正之意并指天象自

洪武初有黑氣從奎壁間此為文章之府可異今年暮春黑氣始消文章當興至是書成賜賁御制詩令

生員廩十年學不成者罰爲吏 庚申修寰宇

通志成

天下道里從一萬九百里橫一萬一千七百五十里四夷之驛不與焉

丙辰

遼東屯田十年始收租 停岷王宮室 十月丁卯

朔鑄六尚局印 辛巳翰林院詹事府成賜宴落成

壬午令武官子弟自十五歲以下入郡縣學 十

一月丁酉朔 朝鮮貢馬謝罪 潞州知州劉士源

沐陽知縣周質衡山主簿紀惟正被逮得直陞質士

源叅政惟正叅議 辛亥土官免比試襲職 癸亥

獎盱昭知縣方素易

母憂以廉能爲衆所仰使資勅獎諭賜鈔及衣來謝宴禮部

越州土酋阿資復叛西平侯沐春等討破之 乙

丑頴國公傅友德恭卒 十二月丙寅朔 辛未整

廣西鬱林州北流南河二江 甲戌申定皇城門寨

定遠侯王弼恭卒 宥漢中府同知柴府

將下黨府書務

請奏其廉介

癸巳貴州蠻亂討平之 賈哈刺寇

鹽井指揮僉事陳進死之 令民團社互相耕種

洪武二十八年乙亥正月丙申朔 庚子置四川鹽井

陝西都司等衛儒學

後各衛以次皆設

捕廣東海寇 都

督甯正平階文叛寇復從秦王棧征洮州等處 壬

子置皇城四門倉糧給守禦軍士 勅 文皇集三

都司兵勦捕野人女直 西平侯沐春討阿資搶斬

之 二月三日丁卯宋國公馮勝暴卒 復分宜縣

鐵冶 徙青兗登萊濟南五府民就東昌開墾開州

興烏撒衛屯田 庚辰詔都督府榜諭龍州土官

趙宗壽

以鄆國公常茂
病死諡其真為

戊子令罪人罰役死者免

補 三月甲午朔 都督朱信等總海運 東勝衛

百戶吳信坐侵暴屯卒誅仍諭守邊將士 乙巳谷

王德之國宣府 癸丑泰王模斃 戊午罷太僕寺

群監官以其馬隸有司 計西番破之 編籍定里

令民百戶為一里婚姻死生墓疾病患難富者助財貧
者助力春秋耕獲一家無力 家代之以教民厚

四月甲子朔 監生分行天下勾稽吏牘 停造

逮王宮室 壬申蠻寇鄧華仔等伏誅 節婦七人

致仕尚書唐鐸諭趙宗壽 五月癸巳朔 大陞

指揮以下等官 趙宗壽抗命發湖廣江西兵會大

軍討之 四川賊田大蟲作亂討斬之 六月三日

乙丑肅王模就國甘肅 丙寅冊秦世子尚炳爲秦

王 壬申四川雲南邊夷皆立學戟 辛巳總兵官

周典等率師至開原分三通追西陽哈于黑松林不

及獲男女馬匹而還 丁亥曹公李景隆整飭陝西

兵馬 己丑勅諭群臣用法止守律與大誥減等其

請用黥劓等刑及請設丞相者處以極典皇親有犯

除謀逆外免逮會議上裁 普定蠻剽掠令顧成等

討之 七月壬辰朔 廣西總兵韓觀捕斬宜山蠻

酋韋召趙成秀等班師 確山縣野蠶成繭羣臣請

賀不許 詔大臣犯重罪得免者敘列九品班後

勅諭國子生讀春秋

論曰孔子作春秋修身立政之

生治經鮮有明

方士獻道書却之

八月壬戌朔

左都督楊文合韓觀兵討趙宗壽 禮部尚書任

亨泰御史嚴震直使安南

諭以討龍

戊辰信國公

湯和卒

趙宗壽伏罪詔楊文等罷兵移討廣西諸

蠻尚書唐鐸叅軍事

戊子更定

皇太子親王等

封爵冊寶之制及通傳官制 九月三日甲午熈王

梗之國雲南 趙宗壽來朝 丁酉征虜前將軍胡

冕追捕桂楊山賊悉擒斬之 左都御史曹銘有罪

誅 免山東及應天五府稅糧 崇山侯李新有罪

誅 命衛所鎮撫發夜巡銅牌 庚戌頒祖訓條章

于內 文武諸司 免烏撒烏蒙芒部東川歲賦稅

衫 申楊文討廣西右江歸德州土官黃碧等滅

其鹽課 是月重定官官六尚品職及內官監司庫

局與諸門官并東宮六局王府承奉等官職 閏九

月壬戌朔 丁卯降吏部尚書瞿善爲宣化知縣

受賄

當死其父謀乞宥死從軍許之降用

諭征南將軍楊文等鑿井避水

葬 沅州苗賊廣西思恩洞蠻俱平 壬午冊 文

皇長子高熾爲世子兵馬指揮張麟女爲世子妃

丁亥鎮遠苗蠻作亂討破之 庚寅詔定親王歲賜

祿米 重定 皇明祖訓召諸王賜之諭減祿之意

晉燕楚蜀湘給歲祿萬石秦王幼與周王皆未給

餘千石或五百石

未之國或是地荒歉

十月辛卯朔 癸巳

命東宮親王世系各擬二十字

每一字爲一冊以共字爲今省之首下一

字臨聘取義木火土金水序編入玉牒

給還安南備餉價直 免朝

衆官賜食 監生劉簡乞宥父養祖父母許之 冊

光祿少卿馬全女爲 皇太孫妃 楊文倅斬奉議
賊首黃世鐵等一萬八千餘人蠻寇悉平唐鐸等會
諸將設衛所守之 置龍州軍民指揮使司 討廣
南土官儂貞佑擒之 十一月三日癸亥命侍臣進
講尚書無逸篇 徙南直隸及浙江六布政司民二
萬戶赴京充倉腳夫 討貴州土官阿傍平之 禮
制集要成頒布中外 魏公徐輝祖等往鳳陽陝西
訓練士馬 叅將劉真等攻破南丹州蠻地悉平
海外諸國入貢 都勻蠻賊平 十二月三日壬辰
山東河南新栽桑棗俱免起科 丙申邊境築城軍

士停役一年 總兵胡冕平桂陽賊進兵兩廣 朝

鮮入貢賀正旦

以表文不遜留其使詰撰文者朝鮮謝罪乃釋之

辛亥洪

武志書成 詔楊文等班師蠻寇未靖者有司撫卹

戊午內使趙達宋福使暹羅解國祭其國王并賜

文綺勅諭 重建朝天宮成

羣臣習朝儀于中

洪武二十九年丙子正月庚申朔 詹事府丞杜澤贊

善門克新爲吏部禮部尚書 朝鮮國王李旦請印

誥

卽李成桂禮部諭止之

疏西安城中水渠 丁丑定擒獲

倭賊賞格 貴州蠻亂討平之

叛首未獲縣貢購捕

二月己

丑朔 緬國百夷思倫發相攻遣行人李思聰等論

解之

還奏著百夷傳紀其山川人物風俗道里之詳以進賜襲衣

仍給東甌王

家祿三千石

甲午禮部尚書任亨泰使安南私市

蠻人爲僕降御史

陝西軍士壯丁代役者老幼悉

徙黃河南岸屯種三年後輸租軍士年老者回依所

親無依者回京養贍肅州軍糧從近地支給

皆都指揮張籍

之

安南以前王陳叔明死告哀

叔明募殺罷吊慰禮

征虜

前將軍胡冕等平郴桂廣西諸寇

以縱殺戒諭日命儒往往征苗亂意在

截渠乃集行賜發宋曹彬不殺後嗣以呂曹翰殘酷身罹害窮往者不追後當爲戒

丙午浚

武進縣奔牛呂城二壩 甲寅給恩軍月報

先以籍

死者爲忍軍不給月糧多之有死者上聞罰四口以上月糧給一石以下六斗無妻子者四斗

已

卯赦遂昌民繆宗等六人

縣有犯法者官捕之不獲彼拒殺官軍繆宗等集壯

士捕殺之有司當以擅殺律逮至京上以

御史

辛彥德過彭澤奏民饑有司不能存恤有詔賑之杖

所司官

三月戊午朔

文皇出塞逐虜敗之

壬

申罷楊雄從祀進董仲舒

行人司副楊砥之言

戊寅釋延安

知府李廣

同知李受奏其勤正愛民乞宥過尤之

清水江蠻叛捕獲

之 壬午行人陳誠立撒里畏兀兒爲安定衛指揮

使給印五十八

四月戊子朔

戊戌增海運糧八

十萬石

湘陰縣丞劉英酷刑逮至市斬 魏公徐

輝祖同禮部翰林官考國子生次第送部錄用 五

川丁巳朔續置文官歷任貼黃簿 有司修築各處

河隄 貴州蠻亂殺土官王應名討平之 應名子阿童襲職

四川土官普習叛討誅之 四川番寇爲亂蜀王

討平之 給桑種于湖廣諸郡 內府官出入午門

者各給牌爲驗 修義巖至越嶲道塗畢工 六月

丁亥朔廣西捕獲叛蠻三千餘人 七月丙辰朔

惠州指揮丁振等禦倭坐怯懦誅 定未入流官陪

祭俱用祭服 晉王進嘉禾 頒表箋文式于天下

務崇實 赦子救父因而殺人者 得免其子教之

方孝孺典畿試 八月丙戌朔 置開平四屯衛

恩恩山賦平 免太平等五府田租 庚戌定六

部諸屬爲清吏司 重定諸王見東宮禮 九月丙

辰朔 兵部尚書唐鐸叅軍廣西請修興安縣三十

六陟漑田命御史嚴震直督工遂通清運 朝鮮入

貢謝表文粗謬之罪送換表鄭總等三人 上以其

樂禍挑釁留之 封閉延安綏德慶陽三郡鹽池

乙亥召天下致仕武臣大資尋命各陞一級 丙子

民有死罪者其弟請從軍代贖 上憫之同繫三十

餘人皆免死謫戍 十月乙酉朔定各司奏事次第

抽選屯田壯士更代

衛卒錢伯奴言屯軍多壯上
委置田畝不能振發從之

已酉更定雲南通海鹽價 甲寅 皇曾孫文奎

生

太孫長子也 上以十月數終又生于縣部勿賀

省天下分司四十八

道爲四十一 十一月乙卯朔 免監生朔望朝參

增詹事府屬官

左右清紀郎從八品司諫通事舍人從九品改錄事亦從九品

十二月乙酉朔行人陳誠呂諒使安南諭還思明侵

地

先以銅柱爲界元末安南越勢侵

頒稽古定制書俾功臣家遵

守 討永寧土賊及澧水縣叛蠻 定鎮國將軍與

公侯駙馬伯文武官相見禮及出入稱呼之制 復

永州知府余彥誠等十人官

先後坐事逮獄耆老奏保釋之賜衣紗遣還

順寧府土酋阿羅叛伏誅 五星素度

洪武三十年丁丑正月甲寅朔 命禮部諭朝鮮勿用

輕薄小人撰表箋搆禍之言 耿炳文佩征西將軍

印郭英副之往陝西等處巡邊仍仍肅王模與炳文

等進討 沔縣吏民高福典田九成搆亂劾秦王尚

炳會炳文討之 丁卯置行太僕寺于山西北平陝

西甘肅遼東 沔賊入略陽殺知縣呂昌燒徽州殺

學正顏叔彬 司諫袁實言三事 一學歲貢經學本
明一大學房舍未

備一侍衛將軍
夕讀書知禮義 楊文往遼東練兵屯田 城開平

衛 初置雲南按察司 除黃河兩岸魚課 丁丑

諭哈梅里送還使臣 己卯改禮儀司爲鴻臚寺太

常光祿改司爲寺

頒爲政要錄

其書凡十三條載文武官屬體統及

食書案牘次第軍士月給廩餼與宿衛之禁屯田之政

二月甲申朔

朝鮮

來謝恩仍戒諭之

海北兩鹽課司所出分運廣東

西遷江西貧民于武陵等十縣耕種靖江世子

贊儀省諸王府

甲辰廷臣請計安南不許

行人陳誠品議

至安南自爲書諭之其王咨戶部辭未報或以抗命當計上曰彼恃頑終必取滅姑待之

命

禮部檄諭河西酋長月魯帖木兒賈哈刺等

辛亥

白虹亘天貫日

三月癸丑朔

策貢士朱琮等三

十八人賜陳鄭尹昌隆劉諤以下及第出身有差

討廣東蠻寇李敬宗等平之

定令史與史巾服

諭蜀王椿嚴茶馬之禁 甲子鈔法沮滯禁民間無

以金銀交易 征南將軍顧成擊水西蠻寇破之

刑部署尚書夏忽都察院署左僉都司中等請加反

逆三族法不許 古州上林洞蠻作亂攻龍里千戶

所千戶吳德鎮撫井孚力戰死贈官各令子陞襲

榮或入太薇 四月癸未朔 申百官相見禮儀及

司屬稟跪之式 乙酉勅晉王 文皇備邊十事

申禁海外互市 戊子市馬西番 古州蠻犯平茶

千戶所千戶紀達擊破之 陞刑科給事中張思恭

爲刑部右侍郎

人有暮夜以金遺思恭者思恭却不受其人黃金而去諸旦思恭言於朝

上善其有守陞
官仍以金賜之

癸巳戶部上富民名籍田七頃以

上為差藏籍印綾監以次召至量才用之 定考覈

署事官員監生等第及武官從人額數指揮使同知
僉事四人千

戶三人百戶所所無二人皆于正軍伍內取用給
番更直三日一易下直則歸軍伍指揮練凡衛所直驛

六人守門二人守監門人守庫 丁酉幸所在鐵冶
一人止老軍充役一年一更

壬寅平水西蠻 擢御史嚴震直為右都御史前

刑部尚書楊靖為左都御史 五月壬子朔日食

甲寅議定贖罪事例 大明律誥成取大誥條內義
其大略附載於

律凡情文禁例悉除之除詳逆并律誥該
載外其雜犯大小罪悉候贖罪之例論斷 赦懷寧

縣丞蘇益復職縣民
保富 乙卯楚王楨征古州蠻洲王

相副之 庚申大星入紫薇垣二小星隨之至遊氣

中沒 壬戌朝鮮貢馬謝恩 以非時且無故而謝却之 丙午戶

部尚書郁新請徙山西民就山東曠土屯種給復三

年從之命再寬一年 戊辰赦當塗知縣孟廉縣丞

趙霖復職 縣民保其勸導 己巳再以天象示變諭晉燕代

遼寧谷六王 旌節婦三人 晉王 文皇遠出塞

外戒諭之 築遼府于廣寧 都督陳信督役仍論遼情朝鮮 己卯

天下講讀大誥師生來朝者十九萬三千四百餘人

並賜鈔遺還 六月辛巳朔再策下第舉人 時中式者少北

方懸落者咸以為言上命 賜韓克忠王恕焦勝等 儒臣考原六十一人復廷試

及第出身

奉試主考學士劉三吾紀善白信瑞至期信瑞坐死三吾以老請成陳郊逮徙自乙

丑以後五科試錄皆毀于革除

置政平訟理二旆論罪囚

庚寅

靖州洞蠻作亂命顧成討之許五月召還

駙馬都

尉歐陽倫坐販私茶賜死

倫私文所屬起事載往河陽家人周保縱暴要迫有

司馬河橋巡司所發以市致司官門匿從坐賜斬倫起檢

七月庚戌朔

置

都知監掌內府各監事

秩正四品

癸丑御史張亨等十

人同署都察院事

丁巳左都御史楊靖以罪賜死

甲子太常寺丞張顯宗署祭酒事

己巳申明學

規教條

壬申太子少保唐鐸卒

編定郡縣糧長

八月庚辰朔

楚王楨請軍糧詰責別使大軍進

討 河決開封城 己丑右都嚴震直為工部尚書

義門鄭沂為禮部尚書 稅戶人才湯行等為吏

部侍郎等官 癸酉勅四川鹽井叛酋 丙午禮部

請通番使不許

上以胡惟庸謀亂三佛齊乃生間諜
今通番詰問以三佛齊屬通番故也

論在外諸王不得私有興作 吏部尚書杜澤請

取用登名富民詔先用山東河南淮東 九月庚戌

朔 沔縣賊伏誅 天下每里各置木鐸 以老人月

道路宣
聖諭六句

勅楚王楨湘王柏各以軍樂銅鼓城

戊辰麓川刁幹孟遂其宣慰使思倫發走雲南西平

侯送至京師 乙亥齊讓討古州苗無功命右都督

楊文佩征虜前將軍印韓觀爲副往代 十月初五

日癸未詔折徵天下通租仍寬估直 乙酉平羌將

軍齊讓機蠻酋林寬至京 上以寬等庸人論楊文宗其主使 停遼

東海運令本衛屯田自給 乙未重建國子監孔廟

成 革涼州鹽課司 詔禮部令朝鮮三年一朝復

以表語涉譏誦拘留其使 十一月己酉朔武定侯

郭英多養家奴擅殺人被劾宥之 都督僉事徐凱

討叛酋賈哈刺 酉平侯沐春爲征虜前將軍何福

徐凱副之討刁幹孟 鳳翔侯張龍卒 甲戌齊讓

至京坐逗遛誅 十二月癸未 上不豫庭臣數問

安勅各竭忠修職 戊子皇第五十一孫貴烺生

第二 乙巳遣思倫發還雲南

洪武三十一年戊寅正月己酉朔 乙丑督山東河南

耕種 暫開鐵冶一年 二月戊寅朔定吏員出身

事例 庚寅設學于虎踞關選儒士 倭掠山東擊

敗之 再試寄監下第舉人次第授教官不中者八

十餘人爲州吏目 丁酉倭寇浙東詔發兵出海追

捕 庚子勅諭西平侯沐春

總兵顧成再討水西蠻 楊文討

古州蠻平之召還 甲辰徐凱擒叛商賈哈刺

月戊申朔定武官子孫十五歲方許承襲外衛者十

歲 丙辰學官得除傍近郡縣 巳未晉王樹薨

賜琉球國王冠帶并臣下冠服 四月丁丑朔罷回

回欽天監 庚寅五府兵部請討朝鮮不許命禮部責司

復設衛經歷省知事為之 陞暴昭左都御史 丁丑

立晉世子濟熹為晉王 陞衛經歷黃福邊昇為工

部左右侍郎 勅 文皇集兵備虜 五月丁未朔

擒刀幹孟西平侯沐春進兵先擒刀幹孟不從何福直搗南甸大破之 景字塞米下春率

兵走之夜至怒江賊懼皆降乘勝破空喇寨春有疾命何福代之擒刀幹孟以歸思倫發還平細贈年卒

庚戌開四川南部蓮花鹽井 甲寅 上不豫

都督楊文率北平兩都司并燕谷寧三護衛從文
皇叅贊又命武定侯郭英都督劉真以遼府護衛遼
東都司悉聽節制置山東都指揮使齊泰爲兵
部尚書戶部尚書郁新奏山西民徙耕山東已三
年當照民田徵租上命再復一年四川蠻叛討
平之閏五月十日乙酉上崩于西宮上素少
疾及疾作臨朝決事不倦如平時漸劇乃焚香祀天
曰壽年久近國祚短長子孫賢否惟簡在帝心爲生
民造福疾亟聞雨降喜形于色遂崩壽七十一辛
卯葬孝陵

國史曰 上以天縱之資起自田里遂成大業當是時
元政陵夷豪傑並起大者竊據稱尊小者連數城邑皆
恣爲殘虐靡弊生民天下大亂極矣 上在民間憫焉
傷之已而爲衆所推戴不得已起義兵卽條法令明約
束務以安輯爲事故所至撫定民咸安堵十餘年間盪
滌群雄戡定禍亂平一天下雖曰天命人歸要亦神武
不殺之所致也卽位之初稽古禮文制禮作樂修明典
章興舉廢墜定郊祀建學較尊孔子崇儒術育賢才註
洪範叙九疇罷黜異端表章經籍正百神之號嚴祭祀
之典察天文推曆數定封建謹法律慎賞罰撫四夷海

外遠方皆遣子入學南極炎徼北逾冰壤東西際日月之所出沒罔不率服昧爽臨朝日晏忘食虛心請問從善如流神謀睿斷昭見萬里退朝之暇卽延接儒臣講論經典取古帝王嘉言善行書寘殿廡出入省觀斥侈靡絕遊幸却異味罷膳樂泊然無所好敦行儉朴以身爲天下先凡詔誥命令詞皆自製淳厚簡古洞達物情戒諭臣下動引經史諄切懇至聽者感動訓敕子孫臣庶具有成書詔法萬世謹官壺之政嚴宦寺之防杜外戚之謁而家法尤正紀綱法度彰彰明備至于禮先代罷獻俘尊高年褒孝弟勵農桑蠲逋負宥死刑焚獄具

旌廉能黜貪酷摧奸暴佑良善寬仁愛人專務德化是
以身致太平三十餘年民安其業吏稱其職海內殷富
諸福之物莫不畢至功德文章巍然煥然邁古遠矣傳
稱唐虞禪夏后殷周繼然成湯革夏乃資亳衆武王伐
商爰賴西師至于漢高雖起徒步尚藉亭長徒衆所附
上不階寸土一民呼吸嚮應以有天下方冊所載未之
有也嗚呼盛哉況生而神明屢有異徵元時太史言
聖人生江淮按讖索之竟不能得蓋天啟大明隆盛
之運實生聖人以膺景命夫豈偶然在位三十一年
升遐之日天下哀慕如喪考妣焉

玉牒曰 帝神武明達睿智有大度始渡江時首帥群
僚多滌酒肆傲 帝獨克已下人旁求賢士尊以賓禮
聽受其言晝夜忘倦書宋真德秀所著大學衍義于殿
廡出入覽觀內政嚴明宮闈遵職不預外事宦寺給使
無所專領勤于聽斷四鼓而起未明而朝日昃始罷稍
閒輒與諸儒講論經史晡時復聽政至昏還宮隆寒甚
暑未嘗少變體或不和亦強出視朝有陳論者無間卑
賤皆卽引見四夷有小警則終夕不寐深思彌忠之宜
節於自奉儉朴食不用樂罷四方異味之貢非宴羣臣
不特設盛饌謹于禮度對羣臣必正衮冠漢吳之滅躬

拜大將以謝其勞訓諭其下徵引古道出言成文動協典誥自爲詔勅頃刻卽成思如宿構辭義森蔚用兵料敵機變如神成算所授無不克捷諸將奉命成功不吝官賞府庫所儲厚賜宣力之臣敬天地嚴禋祀先期齋戒出宿外殿至期行事秉圭促武藝夔兢畏始時分祭南北郊 帝謂天父地母豈宜異位乃采古明堂遺制爲崇宇企列合祀六宗百神各築壇左右從享革嶽鎮海瀆封號以正幽明之辨廟祀古帝王有功德者平京師復以時祭其陵墓褒前代死節之臣或官其子孫命郡縣設壇以祀餒鬼或溝災變省躬自咎輒肆赦宥誠

心愛民尤矜貧弱語及稼穡艱苦每爲涕泣于大姓兼并貪吏漁取深惡嫉之犯者必置諸法崇尚教化新作大學數千間孔子廟去像設主乘輿臨視行釋奠禮學徒之盛至五千人海外遠國暨雲南酋長皆遣子學業下及郡縣皆有學田養士斥租米以數百萬令四方每歲行鄉飲酒禮立旌善申明二亭以示懲勸命佛老之徒皆拜君親法令紀綱禮樂制度事物防範靡不修具煥然可述天下久安在位三十一年訓戒子孫祖訓昭鑒具有成書春秋已高彌勤爲治飭馬政邊防文教兵籍孜孜不息至疾大漸梓宮遺詔皆預營度山陵之制

務存節儉嗚呼聖矣

臣鄭曉曰 帝本天縱之資晦迹田里見元政凌夷
豪傑並起恣爲殘虐天下大亂憫焉傷之不得已起
義兵卽條法令明約束務以寧輯爲事所至安堵十
餘年間溢漉虜寇平一天下雖曰天命人歸要亦神
武不殺之所致也卽位之初制作禮樂修明典章興
舉廢墜定郊祀建學校崇儒術育賢才罷黜異端表
章經籍謹宮壺之政嚴宦寺之防杜戚里之謁正神
鬼之號嚴祭祀之典營災祥推曆數審法度詰兵戎
斥侈靡絕遊幸却異味殄祥瑞馭撫四夷恩威浹洽

昧爽臨朝日晏忘食虛心清問從善如流神謀睿斷
照見萬里 上初不識書每退朝殿延接儒士講論
經典又取古帝王嘉言善行書之殿廡出入省視凡
詔誥命令揮筆立就或命侍臣立欄下操觚授詞混
混千言皆淳雅高簡洞達物情戒諭臣下動引經史
諄切懇至聽者感動訓勅子孫臣庶具有成書足法
萬世至于罷獻俘禮亡國尊高年興孝弟勸農桑蠲
逋負旌廉能斥貪酷摧奸佞佑善良寬仁愛人專務
德化三十餘年吏靖民安海內殷富功德文章巍然
煥然過古遠矣

臣王世貞曰元以荒服文之衆累我中國而悉臣之舉一世之豪傑頽首而事椎結之主傾耳而聽侏離之令俗日化於淫哇而不自覺故夫踐元而土者腥土也臣元而人者行禽也 高皇帝起淮右提三尺劍以與羣雄角而勝之乘勝而北驅虜置之大漠之外乾坤闢而再位日月滌而重朗海嶽奠而如故民人復而冠履夫豈直得聖人之威哉卽軒轅遜五兵而大禹讓玄圭矣 高皇帝猶不自聖奉大寶于盤水馭六馬以朽索鷄鳴而起未辨色而視朝不以寒暑間者戒滋逸也六宮取克位而已無燕趙二八

之奉戒滋蕩也賜租之詔無歲不下戒盡民也一記

閱江樓幾成而罷之

未嘗起工

終其身不爲離宮別館戒

游豫也去嶽瀆神祇之濫封而歸本號戒褻神也滇

詔在卧榻十七年而始克平戒勤兵也朝鮮亂安南

阻日本貳閉關聽其自服而不之討戒啓釁也廢丞

相析中書省而六之戒專國也五都督府握兵籍而

不與調發兵部得調發而不治兵戒專戎也六入之

孤垂拱而不置母后席戒內干也外戚食國租而不

與政戒外移也南面三十年而不改元薄海內外稱

臣妾而不加徵號戒侈心也高皇帝雖神武蓋一

世而抑其才以下一世之賢士其尊在九重而洞徹其肺腑以與閭閻之志通其開闢之績足以當天心是故歷十餘祀而天眷益厚其深澤膠固於民志是故歷危疑震撼之際而不動其紀法足以綱維乎後代是故指鹿訓狐之輩欲竊之而不能久

臣國禎曰三代以前古帝王皆稱上聖至其開物成
務若書契衣裳五兵畊稼授時制禮作樂數千年間
因時通傳畢羣聖人之精神而後稱上治自王統既
裂雜伯雜由浸淫并富彊失之普天陷沒至胡元而
極大挺真人混一華夏廓清洗刷至我太祖高皇
帝極嚴也神武要于不殺極仁也舒慘合于時中極
密也綱紀絜于獨斷聲律身度自彊不息與道合真
與天同運孔子集羣聖之大成我太祖又集古帝
王之大成萃于一身并于一世炳于今古至矣無以

尚已榆楊功德國史玉牒相爲表裏其言確而詳王
司寇演之加毫文人之筆描天繪日彷彿可思班彪
稱漢高不可及者五宋濂謝鐸稱太祖亦如之吾
何容資直曰巍巍蕩蕩成功文章則庶幾矣

補遺

二十六年六月宣寧侯曹泰卒

二十七年三月賜張信進士及第信定海人爲侍讀
以教韓王寫杜詩含譏刺及策稿削御製二語忤
旨後坐考試事誅會元彭德亦坐事除名德一日泰

二十八年四月停造遼王宮室 勅武定侯郭英遼

東軍務物請來者多言其艱窘况邊境營繕不宜盡
力以困之今役作軍士皆強悍勇力善戰之人勞苦
過多心必懷叛故徃徃逃伏草野山澤間乘間劫掠
近者高麗表奏言多不實朕已命有司究之聞彼自
國中至鴨綠江衝要處所儲軍糧每驛有一萬二萬
石或七八萬十數萬石東寧女直皆使人誘之入境
此其意必有深謀朕觀高麗自古常與中國爭戰昔
漢唐時遼東地方皆爲其所有直抵永平之境恃遠
不臣時時弄兵自古無狀今遼東之糧軍士饑困倘

不卽發沙嶺倉廩賑之必啟高麗招誘逋逃之心非
至計也使高麗出二十萬人以相警諸軍何以應之
今遠宮造作暫宜停止且令立營壘以居十年之後
再爲之古人有言人勞乃易亂之源深可念也 先
停岷王宮室諭工部曰邊境土木之工必度時量力
順民情而爲之時可爲而財力不足不爲也財有餘
而民不欲不爲也今雲南土曠民稀軍餉轉輸極爲
勞苦若復加興造之役非惟時力未可於民亦有所
不欲岷府姑爲棕亭以居俟十五年後民富力紓作
之未晚

十二月給事中傅安郭驥使西域

二十九年三月徐魯壽李增枝沐晟皆左都督湯醴

都督同知

徐李沐三公之次子也常二千一死一襲爵醴爲湯之少子以父功差別云

六月都督府斷事廖昇爲太常左少卿編修張顯宗爲太常寺丞左僉都辛彥博爲少詹事兼侍讀賜衣

各一襲

罷楊雄從祀胡直云

號廬山江西人按察使

楊雄仕

莽投閣劇秦美新綱目書莽大夫楊某死人甚訝之攷本傳仕莽作符命投閣年七十一天鳳五年卒雄至西京見成帝年四十餘自成帝建始改元至天鳳五年計五十二年合之已近百年矣雄郫人志中引

桓譚新語曰雄作甘泉賦一首夢腸出收而內之明日遂卒而祠甘泉在永始四年雄卒于是年去莽篡尚遠而劇秦美新當出于谷子雲雄歷成哀平三世不徙官有大度自守泊如當平帝末莽已有代漢之形矣雄猶稱漢道如日中天力不能回莽而假法言以諷切之雄之意至矣豈其媚莽者乎程叔子取其美厥靈根之語韓退之邵堯夫司馬君實咸稱引其說法言紬六經詡孔顏義甚深祿隱雖不避屈原而屢斥公孫弘之容悅且曰誦道信身雖天下不可爲也則雄之節矣

三十年十一月 上見散騎舍人衣殊鮮麗召問製
用幾何曰五百貫責之曰農夫力耕而不息蠶寸織
而不得勞甚矣登場下機公私逋索不能有之汝生
長膏粱紈綺之下邈不知農桑之艱難夫是衣也數
口之家一歲資也汰奢暴殄可不戒歟 行人高稹
使陝西上道路人民疾苦狀 上嘉之權鴻臚寺丞

存疑

太祖初卽位官制未備有帝三公無三少東宮有三少
無三公其立皇太子李徐常兼官可見所謂詹事左

右率府等官皆虛名借銜者後十四年始設左右春坊司直郎明年定左右春坊大學士左右庶子諭德贊善等官并設司經局洗馬而先有贊善大夫不知何品二十二年置詹事院設詹事少詹尋改爲府增府丞蓋因時損益至此始定二十五年立皇嫡孫始有太子太師太傅太保之兼誅夷之後亦不復設翰林原三品改五品優遇仍三品禮故詹翰係文學侍從之臣不在大小九卿之列閒出爲祭酒稱小九卿然以從四品廷推太常諸卿莫敢望焉故詹事初設起兵部尚書唐鐸以原官兼之侍郎李敬起攝祭酒

至今詹府多尚書國子間用侍郎翰林亦如之誠重其選不得以通政太常鴻臚例也 永樂時只有太子三少洪熙初始備設

靖江王薨于二十五年之正月其貶謫遷徙國史總列大凡不詳歲月諸書中多有計年填入者今不敢仍惟錄國史一則于後靖江王守謙皇兄南昌王之孫皇姪文正之子也文正有罪謫死桐城 上育守謙於官中教訓甚篤既長俾之靖江而陰賊險狠肆爲淫虐國人苦之 上未忍置法召入京戒厲之恬不知悔復懷怨望作詩譏刺優容使居鳳陽力田冀

知稼穡艱難思所以保富貴也既七年復其爵鎮雲南諄諄訓諭遣其妃之弟徐溥賜以璽書曰雲南諸夷雜處地險人頑守者非恩威並行不可得而長又其地冬無酷寒夏無炎暑可謂樂地然爾戴罪而往居室取容而已所領軍士止存百人自隨餘悉與總兵官備禦因糧于外若不奉朕命妄有興作則人勞災興可不畏哉守謙既至雲南復奢縱淫佚號令苛急軍民怨咨上猶不忍致罪仍召還安置鳳陽雖在貶斥橫恣自如強取牧馬暴擾一鄉廼召至京笞而禁錮至是卒以其嫡長子替儀爲世子次子替侃

爲將軍

各王府高僧一說云分隨爲高皇后誦經當在十五年之後然無實據不敢輕入

國初鹽政淮浙山東皆以一引

凡四
百斤

爲率商人輸米

臨濠倉淮鹽五石浙鹽四石開封及陳橋倉淮鹽二石五斗浙鹽二石襄陽倉淮鹽二石五斗浙鹽二石五斗六安倉淮鹽四石浙鹽三石五斗辰州永州峽州倉淮鹽三石五斗浙鹽二石五斗荊州倉淮鹽四石五斗浙鹽四石歸州倉淮鹽二石浙鹽一石二斗大同倉淮鹽一石浙鹽八斗太原倉淮鹽一石三斗

浙鹽一石孟津倉淮鹽一石五斗浙鹽一石二斗北
平倉淮鹽一石八斗浙鹽一石五斗山東鹽二石三
斗河南倉淮鹽一石五斗浙鹽一石二斗西安倉淮
鹽一石三斗浙鹽一石陳州倉淮鹽三石浙鹽二石
北通州倉淮鹽二石浙鹽一石八斗山東鹽二石五
斗時川黔滇未入版圖中鹽至大同而止故米數尚
多後一切平定川鹽足用惟近地灌輸西邊旣開黔
滇兵事未歇開中之處廣而且遠米數漸減後易以
銀公私利害不可備述銅版只鑄定行鹽地方非鹽
之數口也止給靈州鹽池它無與焉

諸書中稱洪武二十四年都督宋晟劉貞征哈密大
獲而還一云寇邊徃征考之爲哈里梅西虜別部留
我使徹寬等諭之不從用兵有僞王子幽王國公知
院金銀印之獲哈密通西域貢道 太祖雖常遣使
立安定等衛哈密又在其西彼未嘗來犯我亦未嘗
用兵至永樂二年故元肅王安克帖木兒內附封忠
順王世卵翼漸比內蕃矣

占城國貢金寶犀牛番奴及布命絕之以其臣閭勝
殺王自立也攷海外諸國其君臣兄弟自相攻殺都
不告于朝朝亦未嘗詰問故止絕其貢

洪武中謚法 皇后太子皆二字諸公侯及夷王亦
二字親王一字要皆 太祖親定明明以二爲重矣
然略無差等義所未安 太祖豈見不及此亦知千
秋萬歲後必有加增姑留之待後人而不私其子曰
荒曰愍詰文中皆有貶詞慎重如此雖有詔賜謚者
禮部行翰林院定擬請 旨亦立法當如此自下而
上以示公論亦未嘗分如何爲一如何爲二也永樂
中郡王始二字推之羣臣大約以二爲常以一爲特
尤者謂親王隆重如廟謚十六字歸重只在末一字
特爲尊果爾則以後太子何以又皆二字耶總之

大聖人作法後人仍之不敢改畢竟以多爲貴所謂一字王二字王者亦俗說也

宋濂序大明日曆曰功高萬古曰得國之正曰獨運

全智曰敬天勤民曰家法之嚴曰兵政有統

一日曆同書

之等也謝鐸言我朝度越歷代者五事一攘克夷狄以

收復諸夏二肇基南服而統一天下三威加勝國而

鉅帑不交四躬自創業而臨御最久五申明祖訓

而家法最嚴鋒刃不交四字只自克燕都言之讀者

當得其大然其難及處在終身憂勤惕厲無一刻一

事少懈所謂天行之健自古帝王所未有也

贊漢高祖者曰神武有徵應我 太祖起微細經困
窮英俊不謀而歸群雄隨手而剪非神應何以能然
父老相傳至多國史亦有載者自斥太白神而後絕
不復及并祥瑞亦不居惟告之 宗廟此亦卓絕千
古之一也至體貌多奇異殊不足據非相篇已得其
概聞 太祖之相時有充拓變化大段不改而精采
日新以璧加頸之夢甚奇豈可以一時一貌盡乎曰
帝堯之苗裔則凡海內著姓孰非帝王之後耶

太祖駁孟子之書亦自有見蓋孟子在戰國時見游士
太多輕去其國各國之君視之等于萍梗朝爲君臣

幕爲仇敵故爲此言告齊宣王乃實事也太祖一
統提君臣大義律天下士可殺可辱而心不可變又
懷疑卽韓公亦所不免讀之安得不怒其欲罷配享
錢唐力諫聞其時有風雷之異乃得止猶節略其書
志憤雖帝王過舉終是英雄本色國史諱之諸史皆
不敢及其何傷于日月乎

朱史氏曰余旣任臆分大政大訓爲二政者國家典
制訓者列聖典謨雖互爲根柢而生生色色終有
分別必欲渾融合之爲一粲然並著光明泯然不見
形跡非大手筆不能自顧拙劣何能辦此旣稍稍動

成初亦自喜旣乃自疑久之惘然自失再取繙閱合
以諸家之纂輯漏甚多以此名書不如無書幾欲燬
之會繕工已畢梓人及門天下大矣木之被災多矣
畢吾世從事付之一擲亦非事體乃千兩者各有損
補而總附于政之後非一非二亦不勝踳駁之甚已
今之文字詳詳則可厭古之文字略略多可疑及史
缺文此風已蕝存之姑從其淺者近者言之倅寫照
然尋之毛類猶恐失真況其精神心術之微乎

皇明大政記卷之七

少師建極殿大學士臣朱國禎謹輯

大明建文皇帝

御諱允

文火

懿文太子次子

高皇

帝第三孫

第二孫爲晉王子齊煒

太子妃常氏生子雄英宮人

呂氏生子未名常妃薨呂得爲次妃雄英又薨子爲

次嫡賜名生已六年矣

十年十一月初五日生

聰慧慈仁性至

孝好讀書侍宴命題賦詩皆立就

太祖深愛之時

諸王携其子歲時來朝遊宴宮中

太祖獨偉燕王

及其長子顧太子父子微歎息詣奉先殿上而出且

慍且喜曰身後事有托柰多一番擾攘何日下黑氣

久散對羣臣方喜文運可興至是復聚互開合不常
念天下形勢在西北金陵偏左宮殿稍窪欲徙都關
中秦王聞之有怨言召入京錮之命太子巡撫父老
權迎白山河百二復見漢官威儀矣太子悅還奏

上亦甚喜計定赦秦王將改封僅五閏月二十五年
四月太子薨同母弟秦晉燕周四王俱壯燕尤英武
太祖屬意焉用劉三吾言乃止九月立爲皇太孫命

諸大臣兼太子太師等官二十八年冊馬氏爲太孫
妃明年八月重定諸王見東宮禮十月晦子文奎生
先洪武十年命事無大小先啟皇太子處分然後

奏聞太子性寬厚于刑獄擬罪多所減省卽拂
不少變至是太孫緣其意有加中外莫不頌德
太祖春秋益高奏上無不從秦晉二王俱薨燕王地勢
益逼太祖明知王天表非人臣相且善用兵大位
必有所歸顧名號已定不可得而易也三十一年五
月太祖不豫命駙馬都尉梅殷兵部尚書齊泰輔
政囑喪葬從儉從速諸王各守境土臨于國中無入
京閏五月十日乙酉太祖賓天殯西宮頒遺詔十
七日辛卯

上卽皇帝位

凡開國郊天子郊壇東卽位明受命于天也繼體致祭易服于樞前卽位明受命于

父也兄終弟及者先于前殿拜
天易服人几筵行禮出卽位

其日葬

高皇帝于

孝陵還御殿大赦改明年爲建文元年宮中行三年喪

立 孝陵衛

命舉賢才定保舉連坐法

次第

上 高皇帝后尊號母呂氏爲

皇太后追尊懿文

太子爲

興宗孝康皇帝懿敬太子妃常氏爲

孝

康皇后妃馬氏爲皇后子文奎爲太子弟允熲吳王

允熿衡王允燿徐王江都郡主爲公主儀賓耿璿爲

鮒馬

大賚

陞蹇義吏部侍郎

燕王入臨勅止

之 解縉來京謫河州衛吏

革冗員

六月丙午

日赤無光

召漢中府教授方孝孺爲翰林侍講

兵部尚書齊泰太常寺卿兼翰林學士黃子澄同叅

軍國事 陞戴元禮太醫院使 徵北平總兵楊文

還京 張鳳等世襲錦衣千戶朝天女戶 七月召董倫

爲禮部左侍郎兼侍講學士 執周王構廢爲庶人

詔內外五品以上文官各舉所知 陞平江知縣

陳彥回知徽州府 召韓宜可爲副都御史 八月

魏國公徐輝祖練兵山東 徐凱進兵盡平百夷

起鄭旭高安訓導 賜太學諸生高等者衣鈔 王

叔英爲翰林修撰 王景彰爲禮部右侍郎兼侍講

學士 留雲南吏目程立本于史館 吏部尚書茹

瑞免召張統代馬京爲大理卿勅修太祖實

錄徵處士楊士奇克編纂官九月雲南布政陳迪

爲禮部尚書

特鄭廷告

增國子監司業一人雲南

守將王俊破賊告捷長星西隕聲如雷雲南總

兵西平侯沐春卒召費良弼爲五經博士都督

僉事宋晟鎮甘肅增陝西洮州茶馬司十月享

太廟躬祭孝陵魏公徐輝祖祭祖陵曹公李景

隆祭皇陵餘分祭各墳廟熒惑守心十一月

總兵顧成班師賞賚詔舉山林才德之士御史

尹昌隆言事嘉納頒示天下遣代王桂如蜀齊

王搏有罪召入京留之 陞叅政王鈍戶部尚書起

鄭賜工部尚書 四川岳池教諭程濟「書下獄

加徐輝祖太子太傅與李景隆同掌五府事 十二

月 上省牲郊壇 改天地壇爲南郊祠 壽州崇

仁訓導劉亨羅恢皆以薦入史館 右都督沐晟襲

封西平侯 召宋懌爲翰林侍書王紳爲國子博士

盡釋黥面軍及囚徒還家 起劉有年知太平府

陞何福都督同知 賜明年天下租田之半 免民

賃舍錢 調僉都劉觀嘉興知府陞程立本代 先

後大改官制陞六部尚書正一品增侍中一員位尚

書之下侍郎上翰林院增文學博士餘更置不可計

工部侍郎張昺掌北平布政司事謝貴楊信爲北

平都指揮使歲暮享太廟是冬各王府有告

變者燕府尤甚出其長史康汝楫爲安岳知縣

建文元年己卯正月癸酉朔謁奉先殿朝皇太后

親詣孝陵上香還御殿受朝不作樂戊寅御殿

誓戒百官齋宿文卓庚辰郊奉太祖配子夜行禮

上服易登殿天字澄瑩赫典還宮御殿受賀方孝孺進郊祀頌上

嘉納之詔養老民鬻子者官贖還之頒詔安南

朝鮮祀岳瀆海鎮帝王陵寢司業張智詣闕里

詔京省開科鄉試 申令親王不得節制文武吏士

鮒馬都尉郭鎮卒 以周府紀善周是修爲衡府

紀善留史局 三月清明節親祭 孝陵遣官祭

祖陵 皇陵 幸大學 北平布政曹昱除名副使

張璉請典史 調北平永清二衛官軍屯彰德順德

勅都督宋忠徐凱耿璣分屯開平臨清山海 僉

都景清視軍北平尋召還 太祖小祥燕王來朝行

皇道登陛不拜御史魯鳳韶劾奏侍郎卓敬請徙內

地皆不報 北平僉事湯宗上變逮按察使陳瑛安

置廣西 召胡騎指揮關童等還京 右都暴昭二

十四人充采訪使巡行天下 京師地震 求直言

貶御史尹昌隆知福寧縣尋復之 四月朔享 太

廟 湘王構有罪自焚死 廢齊王構爲庶人 與周王同

禁西 幽代王桂岷王榘於其國並廢爲庶人 五

月燕世子及其弟二三郡王入祭 太祖忌辰二郡

王逃歸并世子三郡王遣之 以趙諒爲指揮僉事

開平王 六月解縉爲翰林待詔 燕山護衛百戶倪

諒上變逮官旗于諒周鐸誅之 下詔讓燕遣中使

逮其府官屬 八月朔享 太廟 都指揮使張信

輸款于燕 壬申北兵起張昇謝貴等俱死之都指

惲馬宜巷戰不勝走薊州俞瑱走於庸關都督宋忠
自居庸退保懷來留瑱守關 燕府自署官屬 北
將張玉朱能攻薊州 燕王上書請誅齊泰黃子澄
丙子北平都指揮使馬宣起兵薊州戰敗宣及衛
鎮撫曾濟俱被執歿北兵遂取薊州 通州指揮房
勝遵化指揮蔣玉密雲指揮鄭亨各以城降北 居
庸關不守瑱走懷來 甲申北兵破懷來都指揮陳
質來援都指揮彭聚孫泰戰歿都督宋忠都指揮俞
瑱被執歿 庚寅北兵攻永平指揮趙葵郭亮降之
大寧總兵劉貞都督陳亨都指揮卜萬引兵出松

亭關攻遵化執萬下獄上聞 八月以長興侯耿炳
文爲大將軍駙馬都尉李堅都督輯忠爲左右副將
軍安陸侯吳傑江陰侯吳高都督都指揮盛庸潘忠
楊松顧成徐凱陳暉平安等帥兵三十萬同北征
釋程濟以編修叅軍事 祭告天地祖廟 諭誠北
征將士 削燕屬籍書諭諸王 京朝官請告歸省
給勘合 置平燕布政司于真定刑部尚書暴昭掌
司事 贈翰林待制王禕爲學士謚文節 徵雲南
兵 己酉耿炳文兵次真定壬子北兵入雄縣鄭州
都督楊松潘忠俱被執 辛酉北兵逼真定耿炳文

戰大敗奔入城被圍李堅寧忠顧成等俱被執癸亥
圍解北兵退走 吳傑援真定兵潰 命徐輝祖北
征尋召還 九月己丑徵謫戍官伏願等復爲指揮
等官 御史韓郁上書請加厚親親不報 丁卯李
景隆爲大將軍馳軍中代炳文尚書陳廸齊泰奏奸
邪不可用練子寧復以爲言忤 旨退朝 靖江府
直史蕭用道衡府紀善周以德指斥用事大臣 高
巍論時政命叅軍務因請使燕陳曉許之不省 燕
再上書于朝 吳高楊文國永平 谷王橈自宜府
歸京長史劉璟獻策不報 召遼王植寧王權遼王

泛海至留別邸寧王不至削護衛 景隆師次德州

山東叅政鐵鉉督餉并贊軍務進營河間 北兵援

永平吳高退保山海關 十月朔享 太廟 親祭

孝陵遣官祭 祖陵 皇陵 北兵襲破大寧都指揮

使朱鑑卜萬死松亭關兵潰陳亨房寬等皆降劉貞

走歸于京 辛亥景隆攻北平別將攻通州 北兵

以寧王權及大寧諸軍兀良哈三衛胡騎入松亭關

始立五軍趣援北平 十月封李堅濬城侯 十一

月北師回至孤山景隆遣將逆戰敗績再戰大敗潰

奔德州北平圍解 袁義爲都督僉事 燕再上書

傳檄天下 十二月徙吳高于廣西楊文鎮遼東

誅岷府典膳李英 北兵攻廣昌守將楊宗以城降

都督瞿能濟師 加李景隆太子太師 駙馬都

尉王寧謀叛幽之 詔全家在伍者分房發歸軍士

死後存藉一人者放爲民 河北指揮使張倫等自

援南歸 改工部侍郎練子寧于吏部 陞夏原吉

戶部侍郎 復以茹瑺爲兵部尚書 武官襲替兵

部開會五府 起前越鵠侯俞通淵爲指揮使北征

省躬殿成

乾坤二宮之間退朝宴居之所孝獨有記

徙肅王棧于蘭

州

初封華州

募謀勇士以楊本爲錦衣衛鎮撫周拱元

爲所鎮撫 殺留守指揮同知李申 錢芹爲行軍

斷事

一日戶部司務

茅大芳爲副都御史葉砥爲編修

建文二年庚辰正月丙寅朔天下官來朝免賀 北兵

攻蔚州執指揮李誠爲間被殺守將王忠李遠以城降遂逼大同 二月江浙人得官戶部并均其賦

改都察院爲御史府設御史大夫華十三道置察院一御史二十八員 景清爲御史大夫 戴德葵爲

左拾遺 黃觀爲禮部侍中兼掌尚寶司事 湖廣

叅議楊砥上書請罷兵安置遠東 劉儁爲兵部侍

中 韃靼可汗坤帖木兒瓦剌王猛哥帖木兒款北

平 李景隆援大同 北兵還 景隆遣燕書 解

續為文淵閣待詔 保定知府雒僉降北 三月丙

寅朔日食 策試貢士吳溥等一百一十八人 賜

胡靖王艮李貫等進士及第出身有差靖艮貫授翰

林修撰 土考尚書陳迪侍中黃觀得楊榮楊溥金幼孜陳繼之黃鉞胡濙顧佐 定乙

榜舉人署教格 諸武官失職者皆北奔 再賜景

隆璽書斧鉞 前賜者沉于江 四月景隆兵次德州郭英等

次真定 增置諸藩宿輔各一員 北兵至白溝河

景隆率諸將合戰勝之幾獲燕王再戰大敗都指揮

瞿能俞通淵滕聚等皆歿 景隆奔德州五月北兵

至復奔濟南德州陷濟陽教諭王省死之 督餉叅

政鐵鉉叅軍高巍自臨邑還守濟南 北兵攻濟南

景隆戰敗奔入城被圍鉉巍及總兵盛庸力禦之

生員高賢寧作周公輔成王論射北軍請罷兵 都

督朱榮棄師遁誅之 六月置資德院及官屬 更

置詹事府官 八百媳婦國入貢 尚寶司丞李得

成至北軍論罷兵

後還報下
欽尋釋

鐵鉉誘燕王入城走

免 七月都督平安兵次單家橋

將進兵絕燕糧
道覓有備不出

八月濟南圍解北兵還平安追戰韓山斬其將陳亨

遂復德州盛庸守之 承天門災詔求直言 乙字

庫災 改謹身殿爲正心殿置學士一員 陞方孝孺文學博士 九月重建承天門改爲皋門午門爲端門端門爲應門前門爲路門 徵洪武中廢棄武臣子孫錄用之 十月更定歷事監生選用法 城滄州北兵襲破之徐凱等被執 清遠衛卒羅義上書下獄 賞濟南功封盛庸歷城侯充平燕將軍總兵鐵鉉左布政使尋陞兵部尚書召入京宴賞卽往軍中贊書 召李景隆還 練子寧請誅景隆不報 盛庸等督諸將兵北進北兵至臨清移屯館陶掠大名我糧舟皆被焚 十二月 北兵至汶上庸移

營東昌北兵隨至庸出戰大破之斬其將張玉北兵
退屯館陶庸飛檄邀燕歸路 詔舉優通文學士以
處士唐弼士爲侍讀鄒瑾爲大理寺右丞 誦大理
卿馬京爲副使

建文三年正月辛酉朔凝命神寶成有事 郊 廟宴

羣臣賦詩頒示中外 東昌獻捷 吳傑平安等追

北兵敗還燕王亦歸北平 工部尚書嚴震直督餉

山東 享 太廟告捷 召復齊泰黃子澄官

先以燕上

書點去至是復

二月北兵復出緣滹沱河列營 盛庸自

單家橋進兵 加禮部尚書陳迪太子少保調大理

少卿汪善聞良輔河南湖廣肅政副使 鎮江知府

薛巖左補闕胡閏爲大理左右少卿 三月辛巳庸

及北兵大戰夾河斬其將譚淵明日再戰風沙大起

庸敗走德州都指揮莊得楚智皂旗張等死之 其

定諸將及北兵戰于單家橋敗績其將薛祿被擒復

脫去 閏三月戰藁城又敗 北兵進次大名 復

譟齊泰黃子澄諭燕罷兵 北平上書請召還德定

諸將 詔大理少卿薛巖報之 理問徐讓縣丞衛

健使燕還以爲鎮撫軍前差遺 禮制成頒行天下

四月 陞古朴兵部侍郎 五月北遣武勝上書

下獄 黜刑部侍郎王良爲浙江按察使 六月北

兵掠濟寧及沛大焚運艘都督袁宇率師邀擊敗績

殺觀海衛指揮使張壽 太僕少卿祝孟獻朝鮮

市馬 七月北兵掠彰德都督趙清禦却之 平安

兵進至平村爲其將劉江所敗 遣人貽書燕世于

大同將房昭駐兵易州水西寨被圍 限僧道田

人五畝 定銓選法 八月真定遣都指揮韋諒援

水西 老撾入貢 放還不識字人材及年未壯者

九月北兵攻定州 十月諸將花英等援水西北

兵大至戰峨嵋山下英等皆敗被執昭等棄寨走定

州亦降 倭寇浙東 禁約奉差中官 北平退兵

徙慶王于寧夏 十一月遼東總兵楊文攻永平

不克 命兵部右侍郎徐垢招集兩浙義勇 平安

敗北兵于楊村 韃靼寇鐵嶺衛 皇少子文圭生

坪帖木見可汗死鬼力赤爲可汗 內臣黜退者

奔北平獻計請直取應天 十二月北兵復出 駙

馬都尉梅殷鎮淮安 更定六科給事中品級 吏

部試翰林史官楊士奇等以次錄用 進遼府紀善

程通長史 太祖實錄成 改程本立江西副使

徐真馬溥爲左右府都督克叅將率偏師北進

建文四年春正月甲申朔德州裨將葛進渡河遇北兵
戰敗 平安復通州不克指揮賈榮等兵敗于衡水
北兵攻破東阿東平指揮詹璟被執吏目鄭華死
之 寧國公主貽書于北諭退兵 北兵至汶上都
指揮薛鵬被執攻沛指揮王顯降之知縣顏伯瑋主
簿唐子清典史黃謙死之 國子祭酒張顯宗爲工
部侍郎 北兵至徐州 二月諸將回師南救餉卒
潰于鄒縣 三月北兵攻宿州平安戰于泥河斬其
將王真浹日力戰安敗走 北兵攻蕭縣知縣鄭恕
死之 刑部尚書侯泰轉餉淮南 南北兵相持鐵

鉉軍至戰勝再戰敗宿州不守 四月戰小河新北
將陳文燕王走安槍幾及馬蹶勿得前大戰齊眉山
敗 丁丑移營靈壁就餉 己卯北兵來襲餉卒俱
潰何福來援力戰大捷北二郡王合兵戰我師敗退
入營堅守將渡淮爲北兵所悞營夜潰何福遁平安
陳暉馬溥徐真都指揮孫成禮部侍郎陳性善大理
寺丞彭與民欽天監副劉伯完指揮王資等百五十
餘人皆被執性善死焉 吐蕃寇陷保寧所 五月
遼東兵潰于直沽 北兵至泗州壽州守將徐景初
劉深皆降 盛庸兵次淮南戰敗 北兵渡淮至盱

貽 守淮兵部主事樊士信死之 諸將分屯鳳陽

淮安北兵直走天長至揚州指揮王禮內應守將崇

剛御史王彬死之 江都知縣張本降 詔天下勤

王 遣刑部侍郎金純禮部侍中黃觀工部侍郎張

顯宗翰林修撰王叔英等分道募兵入援 復召齊

泰黃子澄 蘇州知府姚善寧波知府王璉勤王

遣慶成郡主如北兵 修撰王艮仰藥卒 徽州知

府陳彥回樂平知縣張彥方勤王 前永清典史周

縉起兵衆潰 六月癸丑朔北兵至浦子口盛庸率

諸將逆戰敗之 北有援兵復振 兵部侍郎陳植

死之 乙卯北兵渡江盛庸戰高資巷敗績 都督

僉事陳瑄以舟師降北北兵至鎮江守將童倭降

齊泰黃子澄出奔

實受家旨起兵

庚申北兵至龍潭遣李

景隆茹瑺王佐如軍中議和 命諸王分守京城各

門 癸亥再遣景隆同諸王至軍中 魏國公輝祖

開國公常昇分道禦戰衆潰 甲子遣人齎璽書四

出趣援兵 乙丑北兵至金川門上書 皇太后

寧國公主得書不答 谷王穗及李景隆開門迎北

兵 上手誅徐增壽于左順門 大內火皇后馬氏

崩 程濟等奉 上遜于野

臣國禎曰嗚呼 建文一朝不忍言書甚多不忍讀試
論大端其主仁主其臣皆良臣其爲忠臣 太祖所立
與三十年培養之人材卓犖堅正冠于千古不幸湊此
就中有意料所及者則曰兵變有所不及者則曰以全
盛天下精兵百萬拉朽敗而革除 新主之令甚嚴新
主之臣盡心所事甚以爲諱隻字不留千鈞百索重以
刀鐸歷十年不置天也非人也然用兵事蹟決不可革
天下後世人之口之筆決不可除默而存之追而書之
詳略各分異同互見寓隱隱約約于恍恍忽忽中恨不
再起奉之爲主而已逝之主與所崇奉人 太廟者又

決不因之少損清光九州其光微而能著影落江湖其影湛而更真猶之大法王不立文字法身自在法象自昭人也卽天也乘勢者爲其所得爲君道誰敢與抗執筆者補其所得補臣道亦自有權善乎李宗伯翼軒之言曰五年爲天下共主而廟食缺焉至今高皇帝蒙其虛號後人不得辭責夫廟食不可望矣後人終難責矣躋興宗于天源而建文列帝紀中介高皇之下文皇之上若曰侄不可先叔則文皇起兵後屢上書稱臣稱陛下臣獨可以先君乎雖無廟享其序自在日久論定變而不失其常有餘恫焉有餘慕焉事在

可信摘而存之既曰大政瑣屑自不必書間在可疑另
列于後疑信之間洪武三十五年以前復還爲建文元
年二年三年四年此 後聖追述 文皇本意前人已
先之已

存疑

高皇立皇太孫官官仍太子之號最有深意蓋此名不可
改且示不忍遽忘之情而略有分別懿文止三少此則
加三太并設三少其重定見東官禮明知秦晉燕周不
平議此以歷之用心良苦矣

高皇之墓吾學編明書辛卯 皇太孫卽位是日墓 孝

陵而它書多不敢及疑之也嫌其太速事理有不盡然
者于是有六月初一之說夫卽位必先告几筵以明授
受繼體之正 建文卽位實在三十一年閏五月十六
辛卯日去 高皇崩僅七日卽于是日完墓事故 燕
王移檄亦有此句且指以爲罪則墓之的據甚明而秘
史云墓在庚寅是卽位前一日果爾 建文當受命于
地下而發引各門下墓并初虞致祭不啻數壇尚稱皇
太孫寧有大墓無嗣皇帝主祭之理故卽位而墓同日

並舉皆 高皇遺命正以速葬消諸藩入臨觀望之心
建文寧敢自爲遲速然自來葬速未有如 高皇者憂
深慮遠何所不至雖成敗大數胸中了了而人謀合當
如此悉爲料理此正聖人心腸作用可示嫡孫不可示
它人者

南奉先殿內暨日進膳如生少不虔擔壓重不可舉內
守備殿門叩頭請罪杖其人如律乃解膳旣進列御案
卽閉門聞內中勝蠻有聲凡過殿前者必急趨余嘗一
過不覺凜然偶風聲颯颯一老內使曰 太祖爺至也

高皇帝后尊號上于六月是矣 孝康帝后之追崇應亦
不遠紀事者著之元年正月恐未必大遲如此又冊妃
封三弟于詔書中並發亦無此體吾學編刊 高皇帝
后尊號卽上于五月并尊皇太子妃呂氏爲 皇太后
建文明禮義豈有皇太子未追尊而先尊繼妃之理其
在上 興宗尊號之後無疑彙編書 皇太后在 興
宗追尊之後而頒詔又不之及年遠事荒乃至于此亦
無須深論也

建文改官制如六部增侍中有黃觀可據翰林改文學
博士有方孝孺可據都察院改御史府稱御史大夫左
右副僉都御史有黃子澄等可據增設拾遺有戴德彝
可據其餘各衙門增改有之在外亦應有之至遍及遐
方倉場驛遞稅課之類及北兵渡淮尚紛紛不已此皆
後人描而爲之辭似不必信今錄吾學編所書者于後
國史永樂初可據也

更定官制陞六部尚書正一品設左右侍中各一人位
侍郎上改戶部四司爲職民度支金帛倉庾刑部四司
爲詳憲比議職門都官六部司去清吏字罷左右都御

史設都御史一人副僉都御史各一人改通政司爲寺
通政使爲通政卿通政叅議爲少卿寺丞增置左右補
闕左右拾遺各一人復置大理寺改爲司卿爲大理卿
左右寺正爲都評事寺副爲副都評事司務爲都典簿
改太常寺卿爲太常卿少卿寺丞分左右又改天壇祠
祭署爲南郊祠祭署泗州祠祭署爲泗濱祠祭署宿州
祠祭署爲新豐祠祭署又增鍾山祠祭署及司園所改
光祿寺卿爲光祿卿少卿寺丞分左右而陞少卿從四
品省署丞二人增監事二人改太僕寺卿爲太僕卿增
典廐典牧二署設驢騾十五羣遂生三羣分隸二署增

少卿寺丞各一人詹事府增少卿寺丞各一人賓客二人又置資德院設資德一人資善二人其屬贊讀贊書著作郎各二人掌籍典簿各一人增司業二人省博士學正學錄增助教十七人改鴻臚寺卿爲鴻臚卿分少卿寺丞爲左右翰林院增承旨一人學士一人文學博士二人省侍講侍讀學士置文翰文史二館文翰館設侍書而改中書舍人爲侍書文史館設修撰編修檢討改謹身殿爲正心殿設學士一人改殿閣坊大學士爲學士文淵閣設典籍二人革六科左右給事中改五城兵馬指揮司爲五城兵馬司指揮副指揮爲副兵馬革

左右布政使設布政使一人布政司堂上官各陞一級
改按察司爲十三道肅政按察司改廣東鹽課司爲都
轉運鹽使司革五軍斷事官及稽仁稽義稽禮稽智稽
信五司官增親王官賓輔二人正三品伴講伴讀伴書
各一人長史一人左右長史各一人審理正典膳正奉
祠正良醫正典寶正並去正字審理副等改爲副審理
等郡王賓友二人正四品教授一人記室二人直史一
人左右直史各一人吏目一人典印典祠典禮三署典
印典祠典禮各一人典饌典藥二署典饌典藥各一人
典禮署引禮舍人二人儀仗司吏目一人賓輔三伴賓

友教授進對侍坐稱名不稱臣見禮如賓師

一云懿文皇太子幼有異質長師事宋濂通經史大義
太祖時命太子裁決庶務中外咸服時有告密者以晉
王桐逆謀聞察之藏兵五臺山反形已具 太祖大怒
欲發兵討之太子諫曰萬一兵往而桐或拒命是父子
爲敵也將如天下後世何臣請巡邊因與俱來 太祖
從之太子巡歷燕代及晉與王昆弟飲甚驩浹旬太子
行晉王送至河南太子喻令入朝桐皇恐從命至京
太祖欲賜桐死太子叩頭哀祈甚切乃廢爲庶人居京

師太子友愛彌篤日誨諭之惻大悟晝夜號泣悔罪
太祖憐而赦之復爲晉王歸國更以敬慎聞卒爲賢王
既薨謚曰恭

攷懿文太子止洪武二十四年巡陝西一次以前初未
嘗出京歷燕代及晉其時秦晉二王並重秦王于二十
四年得罪召還尋遣歸國晉王出兵塞外不見虜卽還
被切責前所云云絕不經見

一云上 皇祖考謚曰欽明啟運俊德成功統天大孝
高皇帝廟號太祖

攷此謚永樂改定若建文所稱決抹去一字不用矣

一云以燕府叅軍事訓導康汝楫

或作汝楫

爲安岳縣知縣

汝楫武功人用儒術薦起爲燕府訓導饒智畧 文皇

在邸時與密議朝廷頗疑之改安岳縣知縣縣在漳州
南四百里號難治汝楫公勤蒞政撫馭有方善績日著
人皆懷之

攷汝楫卽康德涇高祖爲燕府長史出爲安岳知縣燕
兵起自署官屬爲刑部侍郎輔世子守城蓋爲燕所留
未行也後當封固辭王府無訓導訓導亦非叅軍漳州

之南三百五十里爲廣東潮陽縣再南際海安岳縣在四川保寧府潼川州

一云三年辛酉朔凝命神寶成寶方一尺六寸九分
帝規定其文曰天命明德表正萬方精一執中宇宙永
昌先 帝在儲位嘗夢人致上 帝命授以重寶元年
使者還自西方得青玉於雪山方踰二尺質理溫栗二
年春正月 帝郊祀宿齋宮夕夢若有覩乃驚寤命玉
人琢爲大璽冬十二月成名凝命神寶至是以告天地
祖宗頒四夷朝使

攷寶有定式匣藏係以雲龍黃綾綠帶尚寶官掛于項
抱胸前侍 御座東大者用之 郊 廟其祝文黃箋
高一尺二寸寶六寸六分如許大者將安用之

一云三年九月 燕王聞北平被圍召劉江問策將安
出江慷慨請行且曰臣方思之高煦請與江先往江曰
殿下如何兩處顧得徒圍走不住爲敵笑耳俄而曰臣
策成矣 王喜呼酒送其行江與 王約曰臣至北平
以炮響爲號一次決圍二次進戰若不聞三次炮響則
臣戰死矣臣若入城中旣聞救至則守城軍士勇敢干

倍宜急軍士人帶十炮俟三次炮響之後爲殿者放炮
聲不絕聲則遠近皆謂大軍繼至平保兒必駭散矣
王大喜然其計保兒安小字也至此江與安戰果如其
策大敗之斬獲甚衆安還次真定

攻北平自二年李景隆圍後南諸將大約以德州要地
屯兵糧真定亦有重兵相犄角規進取安平驍勇往來
出入自單家橋至楊村戰有勝負未嘗圍北平也

一云建文誠軍中無使朕負殺叔父名燕王知之故每
戰挺身獨出雖短兵接戰莫敢加刃

致燕王挺身決戰以爲常建文此令應亦有之然燕所乘八駿其二曰赤兔戰于白溝河中箭都指揮亞失鐵木兒拔之其七皆然後繪圖以示子孫豈南軍射馬不射人莫敢加耶天命有在自不受傷唐太宗亦然

一云改詹事府爲御史府賜御史大夫宴於新署詔大臣與宴又賜監察御史衣人一襲以都察院在太平門北不便朝參改于此

致三法司俱在太平門北改則俱改何以止改御史府詹事府乃軸青宮緊要衙門當時已立太子矣又改在

何處

一云靖難兵起三年屢戰多勝衝突千里罕能禦然所
過城邑往往堅守不下間克之兵去卽殺守帥所據者
惟北十永平保定三郡而已至是內官密言於燕王直
搆京師約爲內應天下可定燕王然之壬午春舉兵直
趨京師不復爲歸計意有所屬而朝廷不知之也兵旣
入城天下大定內官言功不已燕王患之未幾諸有謀
者皆爲邊藩鎮守假以大權賜公侯服儕于其上後益
日重矣

攷此時宦官怨望奔北勸進兵有之 文皇北征其壯
勇者從軍效勞有之遣之探訪邊事因留守備有之未
聞出鎮之說大權之假在王振前後有劉永誠有汪直
賜公侯服儕其上不必言自南京推之各鎮大約在成
化時蓋李隆守備南京黃福叅贊亦未聞有內臣也今
盡歸之 文皇定難英武之主亦何畏于此輩而患之
曲爲假借耶又宦官秩四品其服色不用文武品官之
樣在 至尊左右大約必蟒服製如曳撒結以蟒蟒左
右各二盤旋上下繫以鑾帶此宴閒之服次則飛魚惟
人侍初之出則常服或青或紅自便貴而用事者賜袍

帶蟒在繡補中卽公侯文武一品官非特賜不敢用單
蟒面皆斜向所謂坐蟒者面正向尤重又有膝襴者亦
如曳撒上用蟒補當膝處橫織細雲蟒蓋 南郊若
山陵行幸相隨便于乘馬或召對燕見君臣皆不用袍
而用此特有五爪四爪之分與黃紅之別蓋又介于袍
服間不易得者服與袍迥異今混而一之且指服爲袍
失其裁矣

又云靖難初不獨名將甚多而內臣兼智勇者亦往往
有之王安卽不花都女直人孟驥卽添兒郎西番人鄭

和卽三保李謙卽保兒竝雲南人雲翔卽猛可嘉禾卽
哈刺帖木竝胡人皆內臣從燕王起兵靖難出入戰陣
多建奇功後皆爲各監太監出或鎮邊藩焉

攷諸內官不少概見惟鄭和下西洋者七次後守備南
京出使同行者有馮三保使西域者有楊三保一日三
寶又稱三航言下海之多也訛曰三王非鄭和

一云四年三月改封遼王于荊州遂之國

攷遼上國荊州定于金川門開後之九月并谷王亦定
于長沙

一云朝廷議遣使致書罷兵無敢行者鳳韶獨請至軍
前不納遂取竹通節入書鼓風達之亦不報北兵渡淮
時無一葦之楫有人於豕囊中納氣環著腰間泗水而
南徑奪舟以濟北軍

放南北用兵命使往來無不納之理通竹節鼓風豕囊
中納氣環腰間泗水渡淮皆近小說徐輝祖戰齊眉山
名還見本傳

一云九月以兵部左侍郎齊泰爲兵部尚書劉雋爲左

侍郎盧淵爲右侍郎

攻泰爲尚書在洪武三十一年五月

上書 建文皇帝者日復父仇而下等書及移檄皆曰
齊尚書黃太卿是何北平之曲恕二人甚至不敢斥名
耶讀者于此細察稱二人官真不亦可笑矣

奉天靖難錄述方正學于事急時設策請遣慶成郡主
如軍許割地稽緩俟東南召募兵至決戰勝敗未可知
自謂此計必行及燕王不許主歸大自失色人問其計

將安出乃曰長江可當十萬兵江北船已遣人盡燒之
矣北來將士豈能飛渡况天氣鬱蒸易以染疾不十日
彼當自退若渡祇送死耳何足以當吾師邪此皆描寫
正學之無能爲束手待斃其書出當日諸詞臣之手正
學不惜九死十族豈顧此等言語特爲下筆者忸怩失
其本心負舊君負故友被人看破何以自解

史臣詆孝孺無所不至而寬建文皇帝時有悔心豈
亦念舊君當然耶

建文時有道士謁于途曰莫逐燕逐燕日高飛高飛上
帝畿已忽不見至是始驗其避位大約自吳江史氏轉
入義門鄭氏由楚蜀至滇依西平侯入山今武定府龍
隱臺在獅山之巔孤峯入雲兩石相抱中容數人建
文曾隱於此遺詩一章庶幾近之惜其詩不傳決非所
刻之三律詩也爲僧是真太祖留一匣于奉先殿以
鐵裹之論太孫曰事急發此中有剃刀度牒一紙亟
命程濟剪髮縱火從地道出馬后赴火死故永樂初
重建奉先殿非奉天殿也

朱史氏曰建文事卽不復年號一代之統自在四年之

行事自不可滅 文皇革除矣不遺餘力矣能并用兵
勝負之大槩而盡去之乎未卽位之前國史先已著筆
雖 文皇不及見而以事以理要有必然者立廟尊謚
之說諸建言者之極思然事不可行稱之爲少帝不可
言少謚之以愍非人臣所得爲義亦未盡直稱曰 建
文皇帝卽年號爲謚號極妥今 天子爲 文皇之後
率土之濱卽 文皇之臣書不得不著義不得不立姑
託言遜國遜者名不遜者實且遜國非遜統也猶之乎
亡國非并其統而亡之也何礙于帝紀革除二字 文
皇宜用何者建文不可接也只以父子論不以叔侄論

變體也洩其憤亦通其窮也因二字煩後人擬議推敲
出亡之主爲不情詆毀盡忠之士爲不恕文皇決不
任受天下萬世未必盡以爲然何者建文而上爲

太祖下爲太宗依庚甲先後天造地設不可移易夫

是之謂定論

年號立廟尊謚統紀
之說皆見書法儀中

皇明大政記卷之七終